



SWD TWEEKAMP•BIATHLON



JAARVERSLAG

2014 - 2015



The Better Together Sponsor

SWD TWEEKAMP: VOORSITTERSVERSLAG – 2013 - 2014

Graag lê ek my 25^{ste} voorsittersverslag voor. 2014/15 was 'n goeie seisoen en daar was geen ernstige uitdagings was vir SWD Tweekamp nie. Maar sport in die algemeen in Suid-Afrika staan voor 'n kruispad met veral finansiële uitdagings. Transformasie is die groot prioriteit vir die Minister van Sport, Fikile Mbalula, en dit gaan ook kwaai uitdagings aan SWD Tweekamp stel. Daarbenewens rig die te kort aan vrywillige administreurs ook groot eise.

Die 2015 Genesi SA Tweekampkampioenskappe op Stellenbosch het baie gedoen om die skade van die 2014 SA Kampioenskappe op Potchefstroom te versag – intendeel, dit was puik georganiseer en alle eer aan WP Tweekamp. Tog is ek baie positief oor die toekoms van tweekamp. By die onlangse Strategiese Beplannings Bosberaad wat deur die bestuur van SA Tweekamp in die Paarl gehou is, is beplan om die sportsoort vorentoe te vat. Die eerste seisoen met die nuwe 0/15 seuns aanpassings van 1500m ipv 2000m hardloop is goed ontvang. Ander belangrike besluite wat geneem is, was:

- Tabelle sal in die algemeen in lyn gebring word;
- Tegniese reëls is aangepas en taalversorg;
- Aantal atlete per span vir interprovinsiale byeenkomste bly 4 en vir SA's 5 [tuisprovincie 6] maar 10 atlete bykomend gekies kan word oor alle ouderdomsgroepe;
- Kies van 'n SA Tweekampspan by die SA Kampioenskappe wat da naan 'n interprovinsiaal in die Noorde en in die Suide gaan deelneem in SA kleure;

Op die plaaslike vlak beplan SWD Tweekamp het die ooreenkoms met die Kangogrotte as die ankerborg tot 'n einde gekom en wil SWD Tweekamp net hulle innige dank uitspreek, veral aan Hein Gerstner die bestuurder. HIGHGATE is terug as borg vir die volgende 3 jaar en SWD Tweekamp sien uit na 'n wonderlike tyd saam met die "ou" vennoot! Ook die Groter Oudtshoorn Municipality en die Weskaapse Departement van Kultuursake en Sport bly getroue vennote en kan die sport net groei saam met hulle.

40^{ste} SA KAMPIOENSKAPPE 2015 – STELLENBOSCH [Steven McKay]

Die die Kangogrotte SWD Tweekampspan van 62 atlete aan die 40e Genessi SA Tweekampkampioenskappe op Stellenbosch [3/4 April] deelgeneem wat Al 15 provinsies het deel uitgemaak van die 630 atlete wat deelgeneem het. Die opening Vrydagmiddag het 'n 'n regte Kaapse kleur gegee met die Kaapse Klopse wat die optog van die spanne geleei het. Tydens die AJV van die SA Tweekampvereniging Vrydagaand is die voorsitter van SWD Tweekamp, Dave van der Walt, herkies as die Vice-President van SA Tweekamp asook as nasionale keurder. Op die AJV is SWD ook uitgesonder as dié provinsie wat die toon aangee wat ontwikkeling aanbetrif – voorwaar 'n pluimkie! [of sal ons sê volstruisveer!]

SWD verower 2 goue, 1 silwer en 1 brons medalje, verwerf die 4de plek in die junior afdeling, 5de in die senior afdeling en ook 5de in die algehele kompetisie. In die proses reken hulle af met groot provinsies soos Noord-Gauteng, Gauteng Sentraal en Noordwes provinsies! Die SWD se Achilles bly sy senior en veteran atlete waarvan daar ongelukkig te min is en maak dat SWD nie werklik kompetenter kan wees nie! WP is vanjaar gekroon as die SA Kampioen gevvolg deur Boland tweede, Gauteng-Noord derde en Vrystaat vierde.

Johan Windt [Meesters] van SWD verbeter die SA rekord [2424 punte] en word ook as die Senior Victor Ludorem aangewys! Ook Trisha Pollicutte [D/13 -0 2338 punte] word gekroon as die SA Kampioen terwyl Eugene van der Merwe [S/13] en Chris van Wyk [Veterane] silwer medaljes verower.

Vir eerste keer in die geskiedenis van SA Tweekamp is daar ook 'n item vir atlete met gestremdhede aangebied en 5 van SWD se atlete het medaljes ontvang. Hulle is Anthony Kitson; Maja Ehlers; Elaine Ehlers; Elizabeth Botes en Jafta Makwaja.



ONTWIKKELING

Die ZOAR-projek het na drie jaar ten einde geloop en alhoewel die resultate nie na wense was nie [hoofsaaklik agt van afstande en onbeskikbare swemfasiliteite], het dit tweekamp daar gevestig as 'n sportsoort. Die klem verskuif vir die volgende drie jaar na gestremdes en die langtermynbeplanning word tans onderhandel met Carpe Diem in George. 'n Goeie ontwikkelingskliniek is wel aan in Knysna aangebied waarby atlete uit die Bitou distrik deelgeneem het. Die organiseerde was Marius-Hugo Schlechter en hy is bugestaan deur Chris van Wyk met die swem. Die beplanning is dat dit vanjaar weer opgevolg gaan word.



Daar word hard gewerk aan ontwikkeling in die SWD, maar dit blyk dat die ontwikkelingsatlete nie werklik deurkom na dievlak waar ons hulle graag sal wil sien nie. SWD Tweekamp beplan om 'n soortgelyke projek in samewerking met die SANW op Oudtshoorn an te pak en onderhandelinge is alreeds aangeknood.

KAPASITEITSONTWIKKELING

Om die kapasiteit van beampes in die SWD te ontwikkel, is daar op 11 Maart 2015 by HS Oudtshoorn se klubhuis 'n beampteekursus aangebied in vennootskap met die Departement van Kultuursake & Sport [Eden]. Die SWD Tweekamp sien dit as deel van hulle Ontwikkeling en daar word veral gekonsentreer op skoolleerders. Die aanbieders was Abri de Swardt [Tydhoubaan en algemeen] en Sureta Badenhorst [swem]. Sertifikate is aan die kursusgangers oorhandig.



"DOUBLES"-BYEENKOMS [10 Febr 2015]

Die SWD Bestuur sien die kapasiteitsuitbouprojek as 'n belangrike deel van die kalender. Die konsep is dat 'n erkende tweekampatleet 'n ander atleet wat nog nie aan tweekamp deelgeneem het nie, saambring en elkeen doen een been [of swem of hardloop]. Vanjaar het nie minder nie as 23 spanne het vanjaar deelgeneem en die wenners was Thabiso Panda en Hainto Vermeulen.



TWEEKAMP VIR GESTREMDES

SWD Tweekamp het vir die eerste keer voorsiening gemaak vir gestremde atlete om deel te neem en die belangstelling het alle verwagtinge oordtref – 11 gestremde atlete het aan die SWD Kampioenskappe deelgeneem en 7 is gekies om SWD op die Genessi SA Tweekampkampioenskappe in Stellenbosch te verteenwoordig.



INTERPROVINSIALE BYEENKOMSTE

SWD het die afgelope jaar aan drie interprovinsiale byeenkomste deelgeneem – OP Interprovinsiaal [PE, Okt 2014], Kangogrotte Interprovinsiaal [Oudtshoorn, Febr 2015] en die Vrystaat Interprovinsiaal [Bloemfontein, Okt 2015]. Die Kangogrotte byeenkoms is deur SWD aangebied met WP as vennoot. In aldrie gevalle het ons atlete goed presteer.

OP INTERPROVINSIAAL – PORT ELIZABETH [25 Okt 2014]

Die ander provinsies wat deelgeneem het was Grens, OP en Vrystaat. Die spanskompeticie is deur OP gewen met SWD in die tweede plek gevvolg deur Grens en dan Vrystaat.

Die SWD span het met 12 medaljes teruggekeer – 5 goud, 6 silwer en 1 brons! Daarbenewens het nog 5 atlete onder die top 5 in hulle ouderdomsgroepe geeindig. Seker die mees uitstaande oomblik van die byeenkoms was Reinhard Haupt se skitterende tyd van 57,80 in die 100m swemitem – dit nadat hy eers die 2000m hardloop afgehandel het!



KANGOGROTTE/DCAS/GROTER OUDTSOORN INTERPROVINSIALE TEEKAMP [7 Feb 2015]

In die alreeds bekende hitte-weer van Oudtshoorn, het 7 provinsies [en 465 atlete] mekaar verlede Saterdag die stryd aangesê om te kyk wie is die beste span in die Suide van Suid-Afrika by die 24ste jaarlikse KANGOGROTTE/DCAS/GROTER OUDTSOORN INTERPROVINSIALE BYEENKOMS. En om so vroeg in die seisoen alreeds te kan spog met twee nuwe SA rekords, wys van watter gehalte die byeenkoms is. Vanjaar is die byeenkoms aangebied deur SWD Tweekamp in vennootskap met WP Tweekamp.

Die hoogtepunt was voorwaar die twee SA rekords wat deur Adrian Taylor [S/15, WP - 2289] en Johan Windt [Meester Mans, SWD – 2409]. Dit was veral SWD se Johan Windt wat die toeskouers op hulle voete gehad het met sy 2:29,15 in die 800m en 36,21 in die 100m swem! Min mans bo 60 kan hom dit nadoen! In die mans Senior Veterane [50-59jaar] het Micheal Forbes van GRENS die byeenkomsrekord verbeter na 2352. Nie minder

nie as 3 atlete het die 100m swem in minder as 'n minuut afgelê – met Reinhard Haupt van SWD met die vinnigste tyd van 57.27.

Vir die eerste keer is 'n item vir atlete met gestremdhede op die program ingevoeg en watter wonderlike ervaring was dit nie. Alle gestremde atlete het 'n 400m om die baan en 50m swem voltooi voor 'n pawiljoen vol staande toeskouers! Van SWD het deelgeneem Jafta Makwaju, Minke Janse van Rensburg en Anthony Kitson. SWD Tweekamp nooi graag atlete met gestremhede uit om te kom deelneem.

Die spanskompeticie is vanjaar deur WP gewen met 123219 punte, gevvolg deur BOLAND 114441 en SWD met 86137 punte in die derde plek. Vierde was OP gevvolg deur GRENS, VRYSTAAT en GRIEKWAS. Die top prestasies was: Junior Victor Ludorem – GJ Badenhorst BOLAND; Junior Victrix Ludorem – Hannah Kiley SWD; Senior Victor Ludorem – Johan Windt SWD; Senior Victrix Ludorem – Liezel Wessels BOLAND. SWD se medalje-oes was 'n skitterende 13 – [6 goud, 4 silwer & 3 brons] Boonop het 3 atlete skitterende 4de plekke behaal.



VRYSTAAT INTERPROVINSIAAL [Bloemfontein, 3 Okt 2015]

'n Klein HIGHGATE SWD Tweekampspan bestaande uit 14 atlete het vir die eerste keer aan die VRYSTAAT INTERPROVINSIALE TEEKAMPBYEENKOMS gaan deelneem. Dit is op 3 & 4 Okt 2015 in Bloemfontein op die puik sportterrein van Kovsky aangebied en VS, OP, SWD, Griekwas, Noordwes en Grens het deelgeneem. Die SA Kampioenskappe vind ook volgende jaar in Bloemfontein plaas en dit het aan die SWD-atlete 'n kans gegee om die omstandighede kennis te maak. Sondag is ook 'n Biathlo-byeenkoms aangebied waarvan die SWD-atlete deelgeneem het. SWD kom met 6 tweekamp en 3 biathlo-medaljes terug!



NUWE VERWIKKELINGE

NUWE BANIERE



GAZEBOS



BESONDRE PRESTASIES

SWD Tweekamp is in die besonder trots op die volgende pretasies:

- Johan Windt wat by die GENESSI SA Kampioenskappe op Stellenbosch 'n nuwe SA rekord daargestel het
 - Baie geluk Johan.
- Dave van der Walt met sy herverkiesing tot Vise-President van SA Tweekamp.

FINANSIES

Die finansies van SWD Tweekamp is gesond soos aangedui deur die geouditeerde state wat deur Alice le Roux Ingelyf gedoen is. Groot dank aan die Bestuur wat ten spyte van die hoë finansiële druk net die beste vir die SWD-atlete doen en die kostes so lag moontlik hou. Dank moet ook gaan aan die Wes-Kaapse Departement van Kultuursake & Sport, die Kangogrotte en Groter Oudtshoorn Munisipaliteit wat deur hulle finansiële ondersteuning dit moontlik maak.

BEDANKINGS

Graag wil ek van hierdie geleentheid gerbuik maak om net die volgende persone en instansies te bedank:

- Alle ouers, onderwysers, afrigters, borge en belangstellendes wat dit vir SWDTV moontlik maak om te vorder;
- Aan die SWD Bestuur vir die flinke wyse waarop hulle tweekamp in die SWD bedryf en die tyd wat hulle opoffer asook die ondersteuning wat hulle my as voorsitter gebied het;
- Aan al SWD se borge en vriende;
- Mnr George Botha van KLEIN KAROO, vir die borgskap van die waentjie;
- SASKO vir hulle borgskap van sambrele & kazebo's tydens die KG-byeenkoms;
- Die Departement van Kultuursake en Sport van die Weskaap, en in die besonder die plaaslike SWD-kantoor [Jean Neethling] vir hulle onbaatsugtige ondersteuning en fisiese bystand;
- Aan alle skole en klubs wat hulle beywer vir die ontwikkeling van ons sportsoort;
- Aan al ons atlete wat so getrou die ligabyeenkomste bywoon;
- Aan die munisipaliteit van Oudtshoorn en ander instansies vir die beskikbaarstelling van hulle fasiliteite en geriewe;
- Aan my vrou en gesin wat maar altyd bereid is om aan die agterste speen te suig;
- Aan ons dierbare Vader wat ons die krag en genade gee om hierdie taak te verrig.

Ek dank u.

Dave van der Walt
Voorsitter